

ქ. გურჯაანი

ერთის მხრივ, გურჯაანის მუნიციპალიტეტი (ს/კ 227765022) წარმოდგენილი მისი გამგებლის გივი გერგიძის სახით (შემდგომში წოდებული „შემსყიდველად“) მეორეს მხრივ შპს „ჯეოსემი“ (ს/კ 405096006) მისი დირექტორის რუსუდან გოგიბერიძის სახით, (შემდგომში წოდებული „მიმწოდებელად“), სახელმწიფო შესყიდვების შესახებ საქართველოს კანონისა და „სახელმწიფო შესყიდვების სააგენტოს თავმჯდომარის 2011 წლის 7 აპრილის №13 ბრძანების“ მე-2 მუხლის 1-ლი პუნქტის „ა“ ქვეპუნქტის შესაბამისად, გამარტივებული შესყიდვის მეთოდით აფორმებენ ხელშეკრულებას შემდეგზე.

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს სამუშაოს ხელშეკრულების ფარგლებში.
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1. გურჯაანის მუნიციპალიტეტის სამხედრო აღრიცხვისა და გაწვევის სამსახურისათვის ნაბეჭდი ფორმების მიწოდება; cpv კოდი 79800000; 79823000
- 2.2. ხელშეკრულებით გათვალისწინებული ნაბეჭდი ფორმების ჩამონათვალი (თანმდები მომსახურებით-მიწოდებით) მოცემულია თანდართულ დანართი №1-ში.

3. ხელშეკრულების ღირებულება

- 3.1 ხელშეკრულების ჯამური ღირებულება შეადგენს: 1200 (ათას ორასი) ლარს.
- 3.2 ხელშეკრულების ჯამური ღირებულება უნდა შეიცავდეს მიმწოდებლის მიერ საქართველოს მოქმედი კანონმდებლობით გათვალისწინებულ ყველა გადასახადს.
- 3.3 ხელშეკრულებაში ფიქსირებული შესყიდვის ობიექტის რაოდენობა და შესაბამისად ღირებულება წარმოადგენს რა საორიენტაციოს, შემსყიდველი ვალდებული არ არის მიმწოდებელთან გაფორმებული ხელშეკრულების ფარგლებში მოახდინოს საორიენტაციო ღირებულების შესაბამისად განსაზღვრული სახელშეკრულებო ღირებულების სრულად ათვისება.

4. მხარეთა ვალდებულებები

- 4.1 შემსყიდველი უფლებამოსილია: ა) მომსახურების მიღების დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება; ბ) მომსახურების მიწოდებამდე გამოითხოვოს მისთვის საჭირო დოკუმენტაცია;
- 4.2 შემსყიდველი ვალდებულია: ა) უზრუნველყოს მიმწოდებლის მიერ გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 4.3 მიმწოდებელი უფლებამოსილია: ა) მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 4.4 მიმწოდებელი ვალდებულია: ა) მომსახურების მიწოდება სრული მოცულობით იმ ვადებში, რომელიც მითითებულია ხელშეკრულების 8.2 პუნქტში.

5. ანგარიშსწორების ფორმა და წესი

- 5.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით, ეროვნულ ვალუტაში, გაწეული მომსახურების მიღება-ჩაბარების აქტისა და შესაბამისი ფინანსური დოკუმენტის წარმოდგენიდან 20 სამუშაო დღის ვადაში.

6. ხელშეკრულების ინსპექტირება

- 6.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე;
- 6.2. ამ მუხლის პირველი პუნქტით გათვალისწინებულ კონტროლსა და ზედამხედველობას განახორციელებს გამგებლის სამხედრო აღრიცხვისა და გაწვევის სამსახურის უფროსი ჯაქარია ანანეიშვილი.

7. შესყიდვის საგნის მიღება-ჩაბარების წესი

- 7.1. მიმწოდებელი შემსყიდველს წარუდგენს საგადასახადო დოკუმენტს და მიღება-ჩაბარების აქტს;

8. საქონლის მიწოდების ადგილი და ვადა

- 8.1. ხელშეკრულებით გათვალისწინებული მომსახურების მიწოდება უნდა განხორციელდეს შემდეგ მისამართზე: გურჯაანის მუნიციპალიტეტი ქ. გურჯაანი ნონეშვილის გამზ. #13.

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მიმწოდებელს დაეკისრება პირგასამტეხლოს გადახდა ყოველ გადაგადაცილებულ დღეზე სახელშეკრულებო ღირებულების 0,1%-ის ოდენობით;

9.2. იმ შემთხვევაში, თუ დაკისრებული პირგასამტეხლოს ჯამური თანხა გადააქარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება;

9.3. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანის და შეწყვეტის წესი

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით;

10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;

10.5. ხელშეკრულების 10.4 პუნქტით გათვალისწინებულ შემთხვევაში ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით აცნობოს ამის შესახებ მეორე მხარეს;

10.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

11.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ;

11.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა, აცნობოს მეორე მხარეს მათი დადგომის ან/და დასრულების შესახებ, წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებისაგან;

11.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავების გადაჭრის წესი

ხელშეკრულების მოქმედების პერიოდში წამოჭრილი ყველა დავა გადაიწერება ურთიერთშეთანხმების გზით. შეთანხმების მოუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

ხელშეკრულება ძალაში შედის 2016 წლის 15 იანვრიდან და მოქმედებს 2016 წლის 1 აპრილამდე.

შემსყიდველი: გურჯაანის მუნიციპალიტეტი ს/კ 227765022 ხაზინის ერთიანი ანგარიში, ბ/კ TRESGE22, ანგარიშის №GE24NB0330100200165022

მიმწოდებელი: შპს „ჯეოესემი“; ს/კ 405096006; ქ. თბილისი ზ. ბენდელიანის №5; ს.ს. „პროგრედიტ ბანკი“, ბ/კ MIBGGE22, ანგარიშის №GE19PC0183400100000016

გურჯაანის მუნიციპალიტეტი
გამგებელი
გივი გერგიძე



შპს „ჯეოესემი“
დირექტორი
რუსუდან გოგიბერიძე



ქ. ვეჯაშვილი

ნაბეჭდი ფორმების ჩამონათვალი

N	ნაბეჭდი ფორმების დასახელება	რაოდენობა	ერთეულის ღირებულება	სულ თანხა
1	სააღრიცხვო ანბანური წიგნი 300 ფურცლიანი მაგარი ყდით	1	30	30
2	შემოსული დოკუმენტების სააღრიცხვო ჟურნალი 300 ფურცლიანი მაგარი ყდით	1	30	30
3	გასული დოკუმენტების სააღრიცხვო ჟურნალი 300 ფურცლიანი მაგარი ყდით	1	30	30
4	წვევამდელის სამხედრო სააღრიცხვო მოწმობა თეთრი მუყაო სიმაღლე 13,5სმ, სიგანე 9 სმ	400	0.5	200
5	სამხედრო-სააღრიცხვო ბარათი	700	0.3	210
6	რეზერვისტის დროებითი სამხედრო მოწმობა	300	0.25	75
7	რეზერვისტის სააღრიცხვო ბარათი თეთრი მუყაო სიმაღლე 12,5სმ, სიგანე 9,5 სმ	500	0.5	250
8	რეზერვისტის ანბანური ბარათი	500	0.5	250
9	ნამსახურების ბარათი (უპკ) თეთრი მუყაოს ყდა სიმაღლე 17 სმ	500	0.25	125
			სულ ჯამი	1200

გურჯაანის მუნიციპალიტეტი



შპს „ჯეოესემი“

დირექტორი

რუსუდან გოგიბერიძე

